



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Castellani Magni Franciæ Eleemosynarii Vita

Galland, Pierre

Parisiis, 1674

Ad Eandem.

urn:nbn:de:hbz:466:1-14617

EPISTOLA.

importuni odij & projectæ impudentiæ
condemnare velit. Quorum alterum non
facile iis qui nos norunt , aut qui pravo
affectu vacui ista legent , persuasum iri
spero ; alterum autem temerè tanti mali
sui auctoribus tanquam crucem perpe-
tuam , in qua se torqueant , veritatis
conscius lubens relinquo.

AD EANDEM.

Si sacra sunt suspensa deûm donaria templis ,
Tutaque majestas numinis illa facit ,
Doctrina & virtute tui miranda clientis
Vita , dicata tibi , & nomine scripta tuo ,
Non poterit divûm fata sanguine , nominis umbra
Tecta tui , linguas temnere zoileas .
Sacra parente sacro es , sacra fratre , augustius
unquam
Nil quibus aspexit sol neque terra tulit .
Es quoque sacra novem , quas tu veneraris amâf-
que ,
Musis , quæque tuum nomen ad astra ferunt .
Sacra choro Charitum , quarum gremioque
finique

A. iiiij

Fota , deūm spiras nectar & ambrosiam.
Sacra pudicitia es , sacra virtutum agmine dēnsa,
Apta quibus veluti sydera magna micas.
Ad majora etiam sacra te pia fata reservant,
Conjugio facro Martia tela premes.
Aurea felicis , te interveniente Sabina ,
Reddita Christicolis otia pacis erunt.
Hæc ergo in vitam , te ut Palladis ægide tecta ,
Vita tuis felix exeat auspiciis.

